

進洞天海嶽表 和

度州大中祥符宮道士李思聰臣竊以珠
函翠札玉笈紫書卷帙頗繁尋譯彌廣庶若
三清奧妙之典煥乎五嶽真形之圖古存闡
苑之文今有十洲之記真風綿邈史氏弗論
歷代英儒罕留編錄臣每因朝修之暇焚炷
之餘寂扣幽微輒排次序雖丹臺夏蓬紫府
幽深具載畫圖豁如指掌使崇上之士同贊
國風味道之流上祝

仙圖久歸

上聖臣誠惶誠恐頓首頓首恭惟
體天法道欽文聰武神聖孝德皇帝陛下
執祥符而御曆握金鑑以臨民道冠百王德
隆千古

堯雲庇野萬彙昭蘇

舜日麗天八紘和煦遂遣東夷南越之俗稽
顛歸仁北胡西虜之民傾心順化凡遭
聖運盡登惟深切念臣幼年以來苦心本教
每覽前賢述作道門異事率多汎濫罕究根

源臣夙夜精心討尋經錄揅撫事實形於篇
章久歷歲時頗盈編軸今撰成

玉清璇極圖洞天五嶽圖蓬壺閬苑圖大溟
靈濟圖名山福地圖金液還丹圖幸逢
昭代不敢藏於蠹室輒思上達

龍庭若得少經
睿覽即臣生平苦辛不為虛棄輒敢隨表進
呈干犯

冕旒無任戰汗憂兢悚惕屏營之至臣誠惶
誠懼頓首頓首謹言

宋皇祐元年十月 日奏祥符宮道士李思聰狀奏

乞進洞天海嶽名山圖狀

度州大中祥符宮道士李思聰右思聰草野
微軀生逢昌運長遇無為之教叨居

有道之朝性愚罔究於仙書智淺曷量於溟

渤以思聰自明道元年相次於道門祕典列

聖旨詮探顯幽微精究妙本撰成玉清璇極
圖述虛無旋象之神化洞天五嶽圖贊五嶽
仙山之靈境蓬壺閬苑圖頌蓬島十洲之勝
槩大溟靈濟圖序龍宮海瀆之奧妙名山福

地圖吟紫府丹臺之祕景金液還丹圖集神
仙之火候其圖廣大慮煩尋繹又別纂集卧
披圖一十軸並已了畢念以思聰揅撫事實
刻苦彌年祗願美贊於
皇猷豈敢叨求於

帝渥今遇

乾元節將近擬乞以前件圖于陸本并卧披
圖一十軸具狀通納乞與進

呈者

右具如前所據道士李思聰狀陳述前項外

臣良肱與當州眾官體訪得道士李思聰潛

精道行積思仙書歲紀沒深功勞備著蓬山

洞府之詠玉清璇極之言纂為畫圖贊之詩

序英辭昭灼妙格清新宜備
睿觀以暢真教况

乾元慶旦方貢盈

庭惟妙本於

高仙願同符於

聖美儻隨旅幣得覲凝旒傾切之心庶獲
聞達其

玉洞璇極等圖各有詩序命辭措意實有可
採當州見今收掌未敢進

呈伏候
勅旨

中書劉子付昭信軍

虔州奏大中祥符宮道士李思聰狀自明道
元年相次於道門秘典

列聖真詮採賾幽微精窮妙本撰成

玉清璇極圖述虛無璇象之神化洞天五嶽

圖贊五嶽仙山之靈境蓬壺閬苑圖頌蓬島

十洲之勝槩大溟靈瀆圖著龍宮海瀆之奧

妙名山福地圖吟紫府丹臺之秘典金液還

丹圖集神仙之文候圖子六面并掛披圖一

十軸乞與進

呈當州衆官看詳實可採其圖見在本州收

掌未敢上

進伏候

勅旨

右奉

聖旨宜令虔州入遞進呈劄付虔州準此

皇祐二年三月二十七日



洞淵集卷之一二同

冲妙先生李思聰集

三界詠序

夫三界詠者應三才也列八十一章者應

九九之數也玉清詠贊三清旋象之神化

洞天詠著五嶽洞天勝槩海山詠述蓬

壺閬苑之仙景三才備矣九數生焉昔希

夷先生著指玄篇言修身養炁之妙理臣

今吟三界詠述虛無洞天海島之奧區今

古異同各言其志並按仙經寶錄鳳蘊霄

書備究根源非敢臆說退慙膚淺妄扣淵

微秣期傳修真羽服之流豈敢示英辭學

林之士味道君子同暢真風時

宋皇祐二上元日序

三清詠叙叙三清傳降
經錄事詳

元始天尊者即天地之精極道之祖炁也本

生乎自然消即為炁息即為神不始不終永

存綿綿居上境為萬天之元居中境為萬化

之根居下境為萬帝之尊無名可宗故曰天

尊始世人天矣不可以理測不可以言筌生

尊始世人天矣不可以理測不可以言筌生